



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Thesavrvs Casvvm Conscientiæ**

Continens Praxim exactissimam De Censvris Ecclesiasticis, Aliisque  
Poenis, & Canonicis impedimentis, in Septem Libros distributus ...

**Sayer, Gregory**

**Venetiis, 1627**

iv. De octò primis suspendendi modis.

**urn:nbn:de:hbz:466:1-13883**

panorm. in cap. cum dilectus, num. 20. de consuetud. Angelica, verbo suspensio 3. num. 3. Syluest. verbo suspensio, num. 6. Tabiena, verbo suspensio, nu. 4. v. s. Tertio, in qua communiter conveniunt Summiste, aut saltem maior pars eorum, quod suspensus ab aliquo, in quo plura fundatur, consequenter ab omnibus suspensus est, quæ in illo fundantur, vt exempli gratia, in ordine fundatur Iurisdicção Ecclesiastica, & beneficium, cum sine ordine neutrius horum quisquam capax esse possit; deo inferunt præfati DD. suspensum ab ordine, consequenter a iurisdicção, & ab omni beneficio Ecclesiastico esse suspensum. Id quod duplici regula probari videtur, vna Naturali: quia sublato fundamento corrumpunt omnia, quæ super illud fundatur; Altera verò Canonistarum propria est: quia sublato principali tolluntur omnia accessoria, sed non e contra, arg. cap. cum quid prohibetur. & cap. accessorium, de reg. iur. lib. 6.

In hac tamē re duo dicenda esse verius existimo *unum* est, Quod id quod inferunt, vel assumunt tanquam exemplum, falsum est; Quamvis enim duæ illæ Regulæ allatæ vera sint, quantum ad ipsarum rerum substantiam, siquidem sublato fundamento, quod supra fundatum erat, consistere non potest; quantum tamen ad actus exercitium vera non sunt; quandoquidem manente substantia fundamenti, & substantia rei, quæ supra ipsum fundatur exercitium ipsius fundamenti; Siquidem, executio rei fundatæ ab executione fundamenti non dependet, sed a substantia ipsius rei: vnde quatenus homo, nec exerceat, nec exercere possit ipsius ordinis actum, actum tamen Iurisdicçãois exercere poterit.

Alterum est, Quod nec substantia ipsius Regulæ certa & fixa est, immo mihi valde dubia videtur, vt ex ratione allata manifestum est; Quia postquam manet substantia rei fundatæ, operatio ipsius nulla ratione ab operatione fundamenti dependet, & proinde quarta hæc, quæ passim ab auctoribus regula ponitur, aut non vera, aut non certa, & stabilis esse videtur.

## De octo primis Suspendendi modis.

## Cap. IV.

## SYMMARIUM.

- 1 Suspensio his verbis [ Suspendo te ] lata quid operetur, utria sunt Doctorum sententia.
- 2 Suspensio in iure simpliciter lata, de suspensione ab officio, & beneficio simul intelligi debet.
- 3 Genus de omnibus suis speciebus æque dicitur.
- 4 Suspensio ab homine simpliciter prolata, qualiter intelligenda, & quid in tali casu agendum sit.
- 5 Suspensio his verbis [ Suspendo te ab ordine ] lata omnem actum cuiusque ordinis prohibet.
- 6 Suspensio ab ordine an iurisdicçãois actum in ordine fundatum prohibeat.
- 7 Tonsura prima propriè ordo non est.
- 8 Iurisdicção Ecclesiastica quamvis sine ordine esse nequeat, usus tamen iurisdicçãois sine ordinis vsu esse poterit.
- 9 Suspensus ab ordine an ab actu primæ tonsuræ censetur suspensus.
- 10 Suspensus ab ordine an cum alijs in choro canere queat.
- 11 Suspensus ab ordine Pontificali solum actus proprios ordinis Pontificali prohibet.
- 12 Electus, & confirmatus episcopus, ante consecrationem actus iurisdicçãois exercere potest.
- 13 Suspensio a Pontificalibus solum actum apparatus Pontificali, seu insignia Pontificalia prohibet.
- 14 Suspensus a Pontificalibus Missam priuatam celebrare non prohibetur.

15 Suspensio a Pontificalibus plura quam suspensio ab ordine Pontificali prohibet.

16 Iurisdicção ad apparatus Pontificalem non pertinet.

17 Suspensus a Pontificalibus an violando censuram irregularis efficiatur.

18 Suspensio a collatione ordinum, cuiuscunque ordinis collationem prohibet, non autem primæ tonsuræ, & quare.

19 Suspensio a collatione certi ordinis lata, illius tantum ordinis determinati collationem directe prohibet.

20 Suspensus a iurisdicçãoe, nec beneficia ecclesiastica conferre, nec censuras ferre potest.

21 Suspensus a iurisdicçãoe, a peccatis in foro conscientia ab solvere nequit.

22 Suspensus ab aliquo certo ordine quid scire, aut non facere possit.

**Q**uod Primum suspensionis modum, qui his verbis, *Suspendo te*, fertur, non satis inter se conveniunt Doctores, quid hæc verba operentur. Quidam enim, vt Glos. in Clem. 1. §. ceterum. in verbo Suspensionis, de privileg. & ibi Ancha. num. 22. v. s. Duodecimo, & Zabar. num. 5. v. s. Septimo, & Felin. in cap. penult. in fine, de sentent. excom. hac forma verborum, suspensionem ab officio latam esse putant. Burgasius in tract. de irreg. par. 6. in tit. de sent. suspens. num. 2. §. quatuor alias refert hæc de re sententias, Quarum

*Prima est*, Altissiod. quem etiam plerique sequuntur, in hac suspensione attendendam esse causam huius suspensionis; & inuenta causa, examinandos esse Canones & iura, & videndum, si qua suspensio in iure inveniatur lata pro illa causa, & de illa intelligi debere hanc suspensionem; Quod si vel ignoret, & causa, vel nulla inveniatur in iure suspensio, tunc ait, attendendam esse qualitatem delicti, & secundam illam iudicandum. At certe, sententia hæc obscura est, & multos scrupulos, & perplexitates non paucas generat, quod est maximum malum, & denique dubia & incerta est.

*Secunda est* Antonij de Butrio in ca. At si Clerici, de iudic. dicentis; quando nihil in particulari exprimitur, intelligendam esse suspensionem ab officio, quæ sententia eadem omnino est cum altera illa quam glossa, & aliorum esse diximus. Quæ sententia nullum pro se fundamentum habet, nulla enim maior ratio est, cur hæc verborum forma intelligi potius debeat suspensio ab officio, quam a beneficio; vel cur potius a toto officio, quam a parte officij, vel ab vno ordine potius quam ab omnibus.

*Tertia est* Vincent. in ca. Quanto, de magistr. quem refert Ioann. de Lign. in cap. latores, de Cler. excom. ministr. & Addit. ad Panor. in cap. penult. in litera A, de sent. exc. Imola, in cap. cum dilectus, de consuetud. & Ioann. And. ibidem dicentium, intelligendam esse de vtraque, scilicet, de suspensione ab officio, & beneficio, & fauet Innoc. ex Syluest. in verbo suspensio, nu. 5. in fine. Innocentius enim nullam videtur differentiam ponere inter suspensionem simplicem, & suspensionem ab officio, & beneficio. & Palud. 4. d. 18. q. 7. art. 3. conclus. 8. idem significat, ait enim, quod suspensus simpliciter, intelligitur ab omni officio, & beneficio suspensus, & nihil potest, quod homo prohibere potest, & ingerens se diuinus est irregularis. Nauar. in Manual. cap. 27. num. 170. licet non loquatur de suspensio, de interdicto tamen simpliciter, ait omnia illi vetari, quæ per interdictum prohibentur. Et hæc etiam sententiam ex recentioribus sequuntur Henriquez li. 13. de excom. & suspens. cap. 32. §. 1. & Vgol. de cens. Eccles. Tab. 4. c. 14. §. 1. & Cosmus Philarchus lib. 4. de officio sacerdotis, par. 1. cap. 1. de qua sententia quid ipse sentiam, ex sequentibus constabit.

*Quarta est* dicentium simpliciter suspensum a nulla re suspensum esse; Quia sententia incerta nomen sententiæ non meretur, Cuius sententia quæ sine certa quant. profertur, per totum, & h. cum ex pluribus, ff. de fideicommiss. libet.

bert. Quę sententia nimis libera videtur, maxime cum in iure reperiantur sententia sic lata, vt ex dictis constat; dicere autem nihil operari huiusmodi sententias a iure latas absurdum esse videtur.

2 In hac igitur Doctotum varietate mihi videtur probabile;

*Primo*, vbiunque in iure Canonico, vt in cap. r. de vsu, lib. 6. vbi simpliciter suspenduntur Episcopi, qui vsurarijs domos locant, habetur hæc suspendendi forma, intelligi debet de suspensione ab officio, & beneficio simul; prout auctores Tertie sententia vbi supra doctuerunt, dummodo contrarium aut ex verbis, aut ex intentione suspendentis non constet. In qua re plurimum prodest considerare, & precedentia & consequentia, ex illis enim, vt plurimum mens ferentis sententiam colligi potest: Quod si ex illis nihil certi colligi poterit, puto declarationem faciendam esse per sententiam Iudicis legitimi, qui iura possit interpretari; vnde cum in Concilio Tridentino, sess. 24. de reform. Matrim. cap. 1. parochus, vel quiuis alius Sacerdos, qui sine licentia proprii parochi alterius parochie sponfos Matrimonio coniungere, aut benedicere ausus fuerit, ita simpliciter suspenditur; pro huius iuris declaratione, ad eundem Concilij præficiuntur; interim verò ab officio, & beneficio se suspensum esse credat. Ratio huius est: quia cum suspensio simpliciter prolata, genus sit, & genus æque de suis omnibus speciebus dicatur, absolute prolata vtramque speciem comprehendit, cum non sit ratio cur hanc potius quam illam contineat; sicut a simili constat de excommunicatione, quæ simpliciter prolata non minorem solum excommunicationem, sed maiorem etiam comprehendit, vt in cap. penult. de sent. excom. Gregorius Nonus declarauit, & faciunt, quæ tradit gl. in c. vnicuique, in verbo, suspensionis, de his, quæ vi met. cau. sunt. lib. 6. vbi suspensionis nomine simpliciter prolata, glossa indistincte de quauis suspensione intelligit, id est, siue ab officio, siue a beneficio, siue ab ingressu Ecclesie, & Gemin. ibi, nu. 6. & Philip. Franc. ibid.

*Secundo*, Si huiusmodi sententia feratur ab homine, hæc videntur posse, & debere seruari; *Primo*, vt examinentur verba præcedentia, & sequentia, vt diximus de sententia iuris. *Secundo*, quando ex illis nihil colligi potest, recuratur ad ipsum Iudicem pro declaratione, cui standum est. *Tertio*, si non habetur copia eiusdem Iudicis, quæri potest a successore; interim ab vtriusque suspensum se existimare debet.

5 *Secundus* modus est, *Suspendo te ab ordine*; Qui suspensionis modus ex communi sententia prohibet omnem actum cuiuscunque ordinis: Sic Sylu. verbo suspensio, nu. 5. & Henricus lib. 13. de excom. & suspens. cap. 3. §. 2. & Corona Confessorum vbi supra, cap. 10. tit. de suspensione, num. 6. & Bernard. Diaz in præf. Canon. capit. 122. eo quod idem est simpliciter dicere, *Suspendo te ab ordine*, & dicere vniuersaliter *ab omni ordine*; vnde quicquid est, vel iure Diuino, vel iure Ecclesiastico, humano, vel consuetudine annexum alicui ordini, a suspensio ab ordine exerceri nequit. Circa hunc autem suspensionis modum dubia, quædam sunt soluenda.

6 *Dubium* primum est, An suspensio ab ordine prohibeat actum Iurisdictionis, aut aliarum rerum, quæ in ordine fundantur? Panorm. in c. cum dilectus, nu. 29. de consuetud. Sylu. verbo, suspensio, num. 5. Angelica, verbo suspensio 4. nu. 3. Tabiena, verbo suspensio, nu. 4. vers. Tertio, & alij nonnulli partem affirmatiuam absolute tenent, *Contrarium* verò sententiam tenent expresse S. Thom. in addit. 3. par. quæst. 22. artic. 3. Caiet. verbo suspensio, Nauar. in Manual. cap. 27. numero 160. & Felicianus Episcopus Scalensis, in Enchir. de censur. cap. 11. Vgolin. de censur. Eccl. Tab. 4. capit. 6. §. 5. Cosmus Philiaricus de officio Sacerd. par. 1. lib. quarto, capit. 1. Corona Confess. vbi supra, & Toletus lib. 1. instruct. Sacerd. cap. 12. Quæ opinio mihi videtur esse verior, secundum ea, quæ capit. 3. in Regula quarta dicta sunt, & probari potest, suspensio enim est pœna; in pœnis autem non est facienda largior interpretatio, sed strictior, argum. cap. odia, & cap. in penis, de

reg. iur. lib. 6. & l. interpretatione, ff. de pen. Nomine igitur ordinis intelligendus est solus ordo. Deinde ordo proprie dicitur a Iurisdictione, vt constat, vnde electus confirmatus ea, quæ Iurisdictionis sunt, facere potest, non quæ sunt ordinis, ex glo. in cap. Transmissam, in verbo, de talibus, de elect. ideoque suspensus ab ordine a Iurisdictione suspensus non est; diuersis enim non fit illatio, arg. l. Papinianus exuli, ff. de minor. Preterea, Iurisdictione, & beneficio, de quibus est questio, non fundantur in ordine proprie dicto, sed solum in ordine Clericali primæ tonsuræ, qui non est proprie ordo secundum Theologos. Et ideoque licet primæ tonsuræ sit ordo, & Iurisdictione fundatur in ordine, adhuc probabilius est secunda sententia. Quia etsi non possit esse Iurisdictione sine ordine, vsu tamen Iurisdictionis sine vsu ordinis, & independentem ab ordinis vsu esse poterit. Ex qua doctrina Vgolinus inferre, Sacerdotem ab ordine suspensum, excommunicationem ab excommunicatione absolueri posse, sed non solum ab ordine, sed etiam a Iurisdictione suspensum esse, cum eam sine ordine exercere non possit.

9 *Dubium* secundum est, An suspensus ab ordine suspensus sit ab actu primæ tonsuræ? Respondetur, eo quod primæ tonsuræ non est proprie ordo, & suspensio est pœna, probabile est sub nomine ordinis in hac suspensione non intelligi primam tonsuram, ne faciamus in penis latioris interpretationem, arg. cap. odia, & cap. in penis, de reg. iur. lib. 6.

10 *Dubium* tertium esse potest, An suspensus ab ordine in alijs in Choro canere possit? Pro qua re sciendum est, etiam munus psallendi in Choro fuit olim distinctum ab alijs actibus ordinis minorum, & ipsius Clericalis tonsuræ, fuit enim quidam distinctus gradus dictus Psalmistatus, cuius munus proprie fuit Psalmos in Choro canere, cap. dist. 21. & cap. per electos, d. 25. Qui gradus desinit esse in Ecclesia, & munus psallendi putatur esse constitutum in gradu tonsuræ Clericalis. *Ceterum*, quicquid sit de hæc, cum neque Psalmistatus, neque Tonsura sint ordines, vtriusque videtur suspensum ab ordine licite posse canere Psalmos in Choro; Non potest tamen ea facere in Choro, quæ ad alios ordines pertinent; exempli gratia, si Lectorem in Choro non soleant legi, nisi ab habente ordinem Lecturatus, suspensus ab ordine lectiones in Choro legere non poterit.

11 *Tertius* modus est, ab ordine Pontificali suspendo te; Hæc censura, secundum communem sententiam solum prohibet actus proprios ordinis Pontificalis, Dixi, actus proprios ordinis Pontificalis, ad excludendos actus Iurisdictionis; & hoc etiam secundum illos, qui putant Iurisdictionem simpliciter pendere ab ordine, qui etiam volunt Iurisdictionem Pontificalem nullo modo ab ordine Pontificali pendere, quod certum est; tum, quia Iurisdictione Pontificali ab ordine Pontificali distinguitur, arg. cap. Transmissam, de elect. & c. Aqua, de consec. Eccl. vel altar. tum quia ex communi praxi totius Ecclesie, electus, & confirmatus ante consecrationem vbi que actus Iurisdictionis exercet. Vnde, Episcopus sic suspensus, nec ordines conferre, nec virgines consecrare, nec chrismata consecrare, nec Ecclesias, aut altaria consecrare, aut confirmata, quæ ministerium consecrationis Episcopalis requirunt, facere potest; quæ verò Iurisdictionis sunt, puta iudicare, cognoscere de causis, instituire, excommunicare, corrigere, & confirmata, quæ in Iurisdictione consistunt, & quæ omnia in confirmatione consequitur, exercere poterit, ex glo. in c. Transmissam, in verbo, de talibus, & in d. c. Aqua, in verbo, Iurisdictionis.

13 *Quartus* modus est, suspendo te a Pontificalibus; Hæc suspensio adeo affinis est præcedenti, vt quidam putent esse eandem, cum tamen verè sit diuersa. Proprie autem, & dicitur hæc censura prohibet actum apparatus Pontificalis, scilicet, insignia Pontificalia, vt vsu baculi, mitre,

pillij, etiam in illis, quibus pallium competit. Vnde manifestum est suspensionem hanc a precedenti differre, cum procedens directe exercitium ordinis Pontificalis prohibet; Sic igitur suspensus, quamvis Missam priuatam celebrare non prohibetur, aut alia facere sine ornamentis Pontificalibus, quæ ei ratione Sacerdotalis officij competunt, vt baptizare, penitentias dare, & huiusmodi; Missam tamen Sacram Mittere, & baculo celebrare non potest; Immo vero consecratiue etiam suspensio hæc omnem actum ordinis Pontificalis prohibet; cum actus ordinis Episcopalis non debeant, nec soleant sine ipsis insignibus Pontificalibus exerceri, qua de causa glo. in Extrauag. *Suspensio regimini*. in verb. *A Pontificalibus*, de elect. docet suspensionem a Pontificalibus, prohiberi etiam ab his, quæ sunt sibi alias vt Pontifici permiffa, & a dependentibus ab eis, puta, ab ordinum celebratione, fronsis chrisimatione, huiusmodi, seu virginum consecratione, & similibus; Quod si quis actus sit qui sine istis insignibus solet exerceri, ille non est prohibitus.

15. *Hæc sequitur primo*, Suspensionem hæc latiore esse precedenti, quia non solum prohibet exercitium ordinis Pontificalis, sed etiam in exercitio actuum aliorum ordinum apparatus Pontificalium prohibet, ita vt Episcopus suspensus a Pontificalibus Missam cum baculo, & mitra cantare non possit; Nec in Missa solemnem benedictionem solemnem dare potest, per illa verba, *Sit Nomen Domini benedictum*, facit c. Ecce. & ibi gloss. in verbo, benedicere, Nicolaus Dionys. de Perusio, in c. 1. §. caueant, de sent. excom. in 6. Alphonsus Viualdus vbi supra, num. 143. Econtra vero, si quis sit actus Episcopalis, qui sine hoc apparatu exercetur, hæc suspensio minor erit precedente, eo, quod non prohibet istum actum, quem precedens prohibet.

16. *Inferitur secundo*, Hanc suspensionem non prohibere exercitium Iurisdictionis Episcopalis, & multo minus quæ precedens, vt expresse docent Hostiensis, & Ioan. And. in cap. cum medicinalis, de sentent. excomm. lib. 6. quos refert, & sequitur Panorm. in cap. cum dilectus, num. 20. de consuetud. Tabiena, verbo Suspensio, nu. 4. verfic. Tertio, Angelica, verbo Suspensio 3. num. 3. Syluester verbo Suspensio, quæst. 5. Vgolin. de censur. Eccles. Tab. 4. cap. 6. §. 6. num. 5. & alij ferè omnes. Ratio est: quia Iurisdictioni nullo modo pertinet ad apparatus Pontificalem, vt notant DD. in c. Transmissam, de elect. & in c. Aqua, de consecr. Eccles. vel altar.

17. *Dubium tamen est inter DD.* An Episcopus suspensus a Pontificalibus, si celebret Missam, aut actus aliorum ordinum, qui non sunt Episcopi, cum apparatu Pontificali, sicut peccat violando suspensionis sententiam, & censuram, ita etiam efficiatur irregularis? De qua re, comodiore differendi locus erit in cap. 16. vbi ostendetur, in quibus casibus violatio suspensionis irregularitatem inducat.

18. *Quæritur modus est, Suspendo te a collatione ordinum*, Hæc suspensio, vt ipsemet titulus declarat, exercitium vniuersi tantum actus ordinis Episcopalis, scilicet, collationis ordinum prohibet, vnde est multo strictior duab. Prohibet autem collationem vniuersaliter cuiuscumque ordinis, qui est proprie ordo, siue maioris, siue minoris; vt testatur Henriquez lib. 13. de excomm. & susp. c. 3. §. Quoad collationem autem primæ tonsuræ, mihi probabilissimum est, eam non prohibere, cum hæc proprie ordo non sit, sed dispositio quedam ad ordines; penæ vero non amplianda, sed potius restringenda sunt, arg. c. odia, & cap. in pen. de reg. iur. lib. 6.

19. *Securus modus est, Suspendo te a collatione alicuius determinati ordinis*. Quæ censura primo, & per se directe prohibet actum collationis illius ordinis determinati, de quo loquitur. In qua sententia vera est regula prima, quam in superiori capite attulimus ex cōmuni DD. opinione, vbi dicitur suspensum ab ordine inferiori, consequenter ab omnibus superioribus ordinibus esse suspensum; Id quod non solum de exercitio, sed etiam de collatione ordinis verum esse censet; adeo, vt sicut suspensus a minoris ordinis exercitio tanquam a fundamento censetur a superioribus suspensus, ita etiam suspensus a collatione ordinis inferioris

suspenditur simul a collatione superiorum, vt auctores cōmuniter testantur. Ratio est: Quia sicut exercitium actus ordinis superioris dignius est exercitio actus ordinis inferioris, ita etiam, & collatio ordinis superioris dignior quodammodo censetur collatione ordinis inferioris; vnde rationabiliter suspensus ab executione, vel collatione ordinis inferioris, ab executione, vel collatione superioris suspensus esse censetur, propter maiorem superioris ordinis dignitatem.

20. *Septimus modus est, Suspendo te a iurisdictione*. Hæc suspensio, vt ex dictis constat, nullo modo prohibet actus ordinum, sed solum actus Iurisdictionis, ex Nauar. in Manual. cap. 27. nu. 160. Feliciano Episcopo Scalensi, in Enechirid. de Censur. cap. 11. Vgolin. de censur. Eccles. Tab. 4. ca. 6. §. 5. §. 7. Cosmo Philiarcho, lib. 4. de officio Sacerd. par. 1. c. 1. & est communis DD. opinio, & colligitur ex ca. Transmissam, & glo. ibi, in verbo, de talibus, de elect. & ex cap. Aqua, & glo. ibidem, in verbo Iurisdictionis, de consecr. Eccles. vel altar. vnde sic suspensus, nec beneficia Ecclesiastica conferre, nec censuras ferre, nec iudicare, nec corrigere, nec iuramenta a vassallis recipere, electos confirmare, nec alia consimilia facere potest, quæ in Iurisdictione consistunt; ideoque, nec excommunicatum aut a vinculo excommunicationis in foro exteriori, aut a peccatis in foro conscientie absolueret. Quæ omnia intelligenda sunt, vbi quis a iurisdictione vniuersaliter suspensus sit; Cum enim quis a sola parte aliqua Iurisdictionis suspendi possit, vt patet ex ca. graue, de præbend. & c. vnicuique, ne Sede vac. lib. 6. vbi suspenditur quis solum a collatione beneficiorum, c. 2. de translat. Episc. & in cap. prouida, de elect. lib. 6. vbi suspenditur suspensio a confirmatione Episcoporum, & c. Nihil est, de elect. vbi etiam mentio est suspensionis a confirmatione inferiorum, hæc parte Iurisdictionis a qua suspensus est, excepta reliqua Iurisdictionis officia exercere valet, arg. c. Nonne, de præsumpt. & l. cum Prætor, ff. de iudic. & l. in agris, ff. de acquir. rer. dom. limitata enim causa, limitatum producit effectum, & exceptio vnius, alterius inclusio est.

22. *Octauus modus est, Suspendo te ab aliquo ordine particulari*. In qua suspensione obseruanda sunt duæ Regule prioris, quas superiori capite attulimus, sunt enim cōmuni Doctorem consensu comprobata, & certe omnino sunt, ad eum tamen modum, quo ibi a nobis copiosius dictum fuit.

## De tribus alijs Suspensionis modis.

## Cap. V.

## SUMMARIUM.

1. *Suspensio ab officio latissima est, & quid nomine [officij] intelligendum.*
2. *Suspensio ab officio ab omnibus officijs, quæ vel ratione ordinis, vel iurisdictionis, vel administrationis Ecclesiasticæ competunt, suspendit.*
3. *Suspensus absolute ab officio ab ordine, & iurisdictione suspenditur, & quæ sit huius ratio.*
4. *Suspensus ab officio, nec Capitulare, nec in choro officiare potest.*
5. *Episcopus ab officio suspensus in apparatu Pontificali Romæ incedere potest, non autem in propria Diocesi, & quare.*
6. *Suspensus ab officio ab electione actiua, & passiua suspensus censetur.*
7. *Suspensus in vno loco ab officio omnia officia non solum in illo, sed etiam in quouis alio loco exercere prohibetur.*
8. *Suspensus ab officio excommunicato quantum ad exercitium officij equiparatur.*
9. *Suspensus ab officio ab obligatione recitandi horas Canonicas*